



Broj: 150-15-4-1326- 5 /22 MM
Sarajevo, 08.07. 2022. godine

Na osnovu člana 69. stav (2) tačka d) i člana 70. stav (1), stav (4) i (6) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke roba – rezervni dijelovi za vozila sa ugradnjom za potrebe Centralne banke Bosne i Hercegovine – Glavne jedinice Mostar – LOT 2

Član 1.

Ovom odlukom se poništava postupak javne nabavke roba – rezervni dijelovi za vozila sa ugradnjom za potrebe Centralne banke Bosne i Hercegovine – Glavne jedinice Mostar – LOT 2, iz razloga jer nijedna od primljenih ponuda nije prihvatljiva.

Član 2.

Centralna banka će o rezultatima provedenog postupka javne nabavke obavijestiti ponuđače.

Član 3.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Centralna banka Bosne i Hercegovine – Glavna jedinica Mostar i Odjeljenje za računovodstvo i finansije Centralnog ureda Centralne banke Bosne i Hercegovine.

Član 4.

Ova odluka će se objaviti na web stranici Centralne banke Bosne u Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj 39/14).

O b r a z l o ž e n j e

Postupak javne nabavke roba – rezervni dijelovi za vozila sa ugradnjom, pokrenut je Odlukom, broj: 150-15-4-1326-5/22 MM od 08.06.2022. godine. U skladu s tim, Centralna banka je 16.06.2022. godine na portalu Javnih nabavki objavila Obavještenje o nabavci broj: 1370-1-1-287-3-169/22.

U predviđenom roku za dostavljanje ponuda, do 01.07.2022. godine do 10:00, blagovremeno je dostavljena jedna ponuda za LOT 2 ponuđača:

- AUTO START d.o.o. Mostar.



Komisija za provođenje postupka javne nabavke (u daljem tekstu: Komisija) je izvršila pregled i ocjenu ponude i utvrdila da pristigla ponuda ne ispunjava slijedeće uslove iz tenderske dokumentacije:

- U nacrtu Okvirnog sporazuma u članu 1. ponuđač nije upisao broj i datum ponude;
- U dostavljenoj potvrdi firme IN TIME d.o.o., a koja se odnosi na ispunjavanje uslova tehničke i profesionalne sposobnosti, navedeni su predmeti ugovora: servisiranje i dijagnosticanje vozila, a predmet postupka nabavke nisu usluge nego su robe - rezervni dijelovi za vozila sa ugradnjom;
- U dostavljenoj potvrdi firme J.U. KANTONALNA BOLNICA Dr. Safet Mujić Mostar, a koja se odnosi na ispunjavanje uslova tehničke i profesionalne sposobnosti, navedeni su predmeti ugovora: usluga servisiranja, a predmet postupka nabavke nisu usluge nego su roba - rezervni dijelovi za vozila sa ugradnjom. Također, osim što se potvrda odnosi na usluge, u dostavljenoj potvrdi se vidi da je jedan ugovor još u toku i da nije realizovan.

Komisija je Zapisnikom o pregledu i ocjeni ponuda, broj: 149-15-4-1437-6/22 i Izvještajem o radu sa preporukom, broj: 149-15-4-1437-7/22, oba od 01.07.2022. godine dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Glavnoj jedinici Mostar;
- Ponuđačima (original);
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).

GUVERNER
dr. Senad Softić

